

西湖志


陳衍署檢

73115

地 727.31

43.91

部 3:9



西湖志卷十八

碑碣二

湖南路

殷公祠碑

舊在迎仙橋北明萬歷初郡人林嫌撰見閩都記文見祠廟

迎仙亭記

在迎仙橋北明萬歷十六年立石郡守江鐸書見姚循義舊志

陸莊橋題字

在陸莊

陸莊橋

字徑一尺乾隆五十三年重造

西禪寺記

舊在寺中唐咸通八年福建廉使李景溫撰見淳熙三山志

長慶寺井闌石刻

在寺中食堂門左正書九行行二字至五字不等唐咸通八年開山大安禪師造

西湖志

卷十八

碑碣

賜號超覺大師慧稜禪師塔銘

在長慶寺法堂後唐長興三年判官林文盛撰見長

慶寺志

長慶寺陀羅尼經幢

舊在寺中宋景祐五年立石見冠悔堂金石錄

孤峯禪師碑

在長慶寺共三十四字宋紹定六年住持廣福立石見長慶寺志

住山孤峯抽捨衣資二十千並募衆緣造石槽石

甌報資恩祐紹定癸巳幹緣僧廣福題

長慶寺石槽

在寺厨中宋紹定六年住持孤峰募造見長慶寺志

長慶寺石甌

在寺厨中宋紹定六年住持孤峰募造見長慶寺志

重建怡山長慶寺碑記

舊在寺中清順治間立石郡人林之蕃撰見長慶寺志文不錄

樂說辯公禪師塔銘在怡山石高八尺五寸廣三尺四寸分四截每截五行行四字字徑三寸額題

重興長慶樂說辯公禪師塔銘十二字字徑四寸並正書末二行書立石年代並撰人姓名

樂說辯公禪師塔銘 怡山祖刹宗風久隕寶翁

過化枯木花開更五十年鼓鐘寂寞樂公嫡孫繼

振斯鐸往者以復濁者以澄吹大法蠡慧日東昇

葉落歸根示衆生脫修然無繫凌空白鶴巍巍宰

塔稜祖之旁熾然說法草木皆香 鼓山道霈撰

康熙三十四年立石

詩僧寄塵塔碣在怡山清嘉慶五年立石慶霖書見長慶寺志

西湖志 卷十八 碑碣

寄塵禪師造像在長慶寺石高二尺廣一尺三寸清嘉慶五年造

袁岐贖田記石刻在長慶寺石橫高一尺五寸十五行正書清嘉慶五年立石文不錄

贖田記 瀋陽慶霖撰

重修怡山長慶寺碑記舊在寺中清嘉慶九年立石慶霖撰並書見長慶寺志文見寺觀

繼公禪師塔碣在長慶寺石高二寸廣一尺六寸共十二字字徑二寸六分正書

中興長慶繼雲善公禪師壽塔 嘉慶十二年三

月立石

重修怡山長慶寺天王殿記在寺中石高八尺六寸十三行行四十四字四十五字不

等正書文見寺觀

重修天王殿記 浙江巡撫郡人陳若霖撰 嘉

慶二十五年郡人高騰等立石

怡山長慶寺法食臺石刻 在寺大殿前正書九行行四字

高騰次男鴻禧敬豎法食臺上報天慈下資鬼衆

道光八年四月八日沙門一社謹立

怡山長慶寺大雄殿記 在寺中石高五尺八寸廣二尺六寸十七行行四十二字四十三字

不等正書 文見寺觀

重建怡山長慶寺大雄殿記 刑部主事陳承裘

撰 翰林院修撰王仁堪書 光緒十年三月立

西湖志 卷十八 碑碣

石

怡山長慶寺募錢題名十二石 在寺東廊石高五尺八寸廣二尺六寸清光緒十年

立石

妙公禪師塔銘 在長慶寺石連額高八尺七寸廣三尺一寸分四截書每截八行行四字徑二寸五分正

書額題重建長慶雪庵妙公禪師塔銘十二字分六行書每行二字徑五寸五分篆書末一行書立石年月共十八字文

見塚墓

雪庵妙公禪師塔銘 門徒福慧撰 光緒十八

年七月立石

長慶寺石孟題字 在藏經樓後隸書共九字首二字泐

口口己巳閏二月日記

長慶寺石槽題字在藏經樓後共五字

南安林蕙捨

怡山歷代比丘尼優婆夷會塔碣在長慶寺後共十字中比丘尼優婆夷六

字分兩行寫

別山續乘法師塔銘在港口山明崇禎三年立石見長慶寺志

大瀉延聖禪師塔銘在楞伽山唐崔允撰見諸道石刻錄

空隱和尚並法緯定者二禪師塔銘在楞伽山清康熙七年郡人林之蕃

撰見長慶寺志文不錄

西湖志 卷十八 碑碣

四

湖北路

德泉石刻二字在北禪寺湖旁見靈光北禪事蹟合刻

社稷壇石刻在郡北天王山下明洪武七年立石

黃任墓碣在興聖坑共十八字清乾隆間立石

皇清勅授文林郎四會縣尹莘田黃先生壽藏

仁和沈廷芳書

宋尚書屯田員外郎劉奕墓碣文在馬鞍山石連額高六尺廣二尺八寸共

二十一行行五十三字徑五分正書額題劉蒙伯墓碑文六字共三行行二字徑五寸篆書陽文

宋故朝奉郎尚書屯田員外郎通判潤州軍州兼

管內堤堰橋道勸農事上騎都尉借緋劉君墓碣
文 君諱奕字蒙伯其先漢唐以來世有顯人至
祖考皆事國朝考諱若虛尙書屯田員外郎贈光
祿卿光祿碑襄嘗銘之系次詳焉君天聖八年進
士入第授惠州推官疾不果行次調南康軍判官
移知洪州武寧縣事改大理寺丞累遷尙書屯田
員外郎歷知鄭之滎陽鳳翔府判官通判漳州潤
州事以皇祐三年五月二十三日終潤州年五十
三明年正月二十四日葬福州懷安縣靈山鄉越

城里夫人陳氏封寶應縣君子康夫甯夫岐夫女
長適韓昌國次明州慈谿令陳章其季進士林回
君於文章要以理道爲得不苟聲律其論性情推
明孔子之法尤非浮屠所傳力教於人開曉其路
從之學者咸以吾道自處久之貧無以生就舉進
士中乙科喜曰吾不能爲時之文章恐不復得仕
進今幸中第吾志得矣其在武甯民喜訟而易刑
爲令者多嚴法以止之猶不能勝君雖細事爲之
盡心有兄弟訟者譬之親愛之理以感動之輒涕

泣自咎引去省刑而民格慶歷中元昊叛陝西用兵韓丞相爲經畧使辟君鳳翔一道兵民劇事多倚君辦集連年兵敗民窮乃上書朝廷言其兵所以敗民所以窮之狀其略曰陝西之要練兵運糧最爲首務其策皆爲未得都部署者上將軍之任也而無專制之權其偏裨才否不敢輒去留之軍無行陣之法見利輕進畏敵遽退所以每戰必敗偏裨不死上將之令士卒不知什伍之制其理豈有勝哉邊戍益多廩粟益廣轉運使職其事也今

之轉運使皆以序進不計其能未更年歲屢遷易之文書凡目曾未能知其暇以民爲意乎一方之患內靡度支外輟兩川之賦調及天下關陝之民流離窮困而邊儲日窘不幸天下之患有大於此何以支乎蓋由轉運使不擇其材不久其任無所歸責也又言備邊宜募土人給之閒田使之自衛其境可以省費言數十條率多此類事格不報潭州漳浦有虔州民四百人入縣買官所賣鹽令捕之民因鬪拒遂鞠其私販而強捍其法應死囚多

繫久疫殍相屬君爲直其非私販而出其不鬪拒者坐法數十人而已君初仕顧天下事若無所爲而可辦歷官二十年所至施爲謀議多不能如其意然後知不可以力爲也於是補吏南歸展省墳域緬然有退耕之志而未果也其終之歲予適過潤州君病漬以手書謂予曰吾止於此矣惟穉子足託旣終歛無新衣囊無餘資郡吏民集錢二百千以賻夫人辭焉歸葬於閩居無室廬產無田園勤勞其家清節不渝夫人之力焉嗚呼十年之間

康夫以學行自立而能請文永其先烈予旣悲之而又慶其有後也銘曰 文弊於詞在天聖初牽拘媿偶華潤剽膚君於斯文本末扶疎世言性情淪於浮屠君爲中庸聖哲之樞經營萬務於時有需旣官於陝晝恩夕圖裕兵轉餉實究民痛上書於朝事願之殊潭有冤獄十百其徒辦處平治脫釋不辜最後丹陽聲聞益敷齋終克明歸宅海隅父子兄弟次第不踰旣順以安斯其已乎 嘉祐六年歲次辛丑四月十九日樞密直學士尙書禮

部郎中莆陽蔡襄撰并書 陶翼模刻

郭尚先劉蒙伯墓志跋蔡忠惠真書碑碣從來著錄第知有萬安橋書錦堂二記無知有劉蒙伯碣者自余始拓之是一快意事碑文雅密有法書蒼潤適暢絕似顏魯公清遠道士詩忠惠不肯奉詔書碑曰此待詔職也而獨欲有効於蒙伯則蒙伯之人可知也

贈太子太傅原任雲貴總督謚文忠林則徐墓碑在馬

鞍山石連額高八尺四寸廣三尺五寸十四行行三十一或三十三字不等字徑二寸五分正書清咸豐元年御製

金獅山護脈碑在金獅山正書共十字字徑四寸

龍脈由此而進不可搖動

葭村草堂集金獅山有護脈碑相傳是五代人筆

西湖志

卷十八

碑碣

八

明鄭女妃壙記

在大夫嶺石高九寸廣一尺七寸十八行行十七字正書額題明鄭女妃壙記六字篆書

鄭女妃壙記 女妃名鄭氏閩世家生嘉靖己酉

八月二十五日曾祖炤登成化丁未進士選翰林

院庶吉士歷升戶部主事員外郎郎中廣東南雄

知府致仕曾祖妣方氏累封宜人趙氏孺人祖璋

封戶部署郎中祖母林氏封安人父雲鑿登嘉靖

丙辰進士歷升戶部主事員外郎郎中浙江按察

司副使口兵杭嘉尋轉廣西副使提督學校母陳

氏封安人女幼而慧為祖父母父母所鍾愛稍長

習女工卽精女工習書史卽通書史依依重闈慈
孝之意藹然及笄許適樂邑陳憲副瑞之季子長
勉少女二歲有待而歸焉年十有九而天隆慶丁
卯二月十六日也語曰良玉善缺嗟嗟然歟既卒
免大功之喪卜地懷安縣三都大夫嶺之祖山于
女爲高祖瑄贈戶部員外郎高祖妣張氏贈宜人
墓之陽坐坤向艮葬之日則十一月壬申也壙旣
成謹述世系歲月併藏諸幽雲鑿按淚書

郭柏蒼鄭女壙記跋光緒癸未予於北門大夫嶺得明鄭氏
女壙記真書似王趙按鄭炤字叔昭雲鑿見府志人物陳瑞

西湖志

卷十八

碑碣

九

字孔麟嘉靖癸丑進士以兵部
尚書總督兩廣長勉戶部郎中

杜塢石孟題字

在杜塢

黃將仕捨紹興丙子

字徑三寸五分

杜塢井闌題字

在杜塢

慶元乙丑圓通會造

字徑六寸

湖東北路

唐福建觀察使陳公神道碑

在觀音亭石高六尺四寸廣二尺八寸正書第一行行十

字第二行行九
字字徑四寸

唐福建觀察使檢校司徒兼御史大夫陳公神道

清康熙六十年立石

山東兗州府知府荔鄉鄭公神道碑 在觀音亭石高九尺六寸廣二尺八

寸正書三行十三字字
逕六寸清乾隆間立石

雲南昆明縣知縣翰林院編修惕庵張公神道碑 在觀

音亭石高九尺六寸廣二尺八寸正書三行中一行二十
六字字逕三寸左一行十四字字逕二寸右一行十五字字逕

二寸清乾隆五
十六年立石

林文忠公墓道碑 在觀音亭石高一丈二尺八寸廣三尺五

寸正書二行行十四字字逕六寸清咸豐
元年立石

苔泉石刻二大字 在龍腰山石高二尺六寸廣一
尺二寸字逕一尺宋蔡襄書

西湖志

卷十八

碑碣

十

龍腰山護脈第一碑 明洪武
間立石

龍腰山護脈第二碑 清乾隆四十
三年立石

龍腰山護脈第三碑 清道光二十
九年立石

明鄭珞墓碣 在龍腰山明正德間副使姚
鎮立石見道光福建通志

良二千石四大字石刻 在龍腰山明知府鄭珞
墓前副使姚鎮立石

穎川郡陳府君墓志銘 在太平里石高三尺二寸廣二尺
二十六行行四十八字字逕五分

正書額題穎川郡陳府
君墓志橫寫八字篆書

唐故福建觀察使檢校司徒兼御史大夫穎川郡

陳府君墓志銘并序

前鄉貢進士黃璞撰

安定胡兆祉書

嗚呼府君以大順三年正月二十九日薨變春秋四十有四其戢難之大略鎮俗之宏功實挂在戶謠口於口口江夏口口爲名士傳以伸之又爲神道碑以明之吁今將葬矣合作誌銘以備陵遷夫誌者識也但書其爵里宅兆鐫之于石藏之于幽識之于後故其詞不縷矣府君諱巖字夢臣帝王之後其先尤以賢德聞者曰仲弓潁川人也當後

漢時爲大丘口令叔口季和弟昆動於天文聚以表德章帝旌之命爲侍中口口始興郡王其口霸先仕於梁平侯景之亂口口口五世口口口避永嘉之難入閩之建安綏成因鄉于口曾祖父諱口字文保爲當府司馬時淮西逆命帥軍討之口口口功口口口史口御史中丞賜紫金魚袋王父諱好古字慕堯溺口林泉不干利祿搜抉勝異蔚成篇章有家集二十卷追贈太子舍人父諱簡字言忠漱流枕石克紹先風蘊粹孕靈以鐘令嗣

贈工部尙書又贈羽林大將軍太夫人會稽郡口
氏口口口口口知詩禮鳳鳴叶兆口子挺生追贈
會稽郡太君又贈衛國太夫人府君幼則徇齊不
爲兒弄長逢離亂口口兵鈴口口口之泣血興言
口口王室陳仲舉之登山口口思掃妖塵口口則
神鬼宵奔揮劍則機槍星落泊縻使職口口口功
廉使滎陽公鎰夙慕英風累咨口畫請爲都團練
副使仍判清源又三發疏章請口交代滎陽公尋
告疾北歸公口口府口口口口口文威以肅衆寬

以撫口誓丹血以口口口憂痺而求理嘗曰口口
莫先於令長持法必繫於紀綱遂精吐口口口口
口故口口口不撓瘡痂咸瘳口莫不率口農桑口
口學敦賣刀佩犢再揚龔遂之風左誦右絃大闡
文翁之化故得與國口口於口口口口竟納於降
幡合浦靈珠睽口光於五夜漁陽瑞麥吐秀色於
連年家家吟多袴之謠處處詠如坻之什朝廷嘉
歎口口口口褒崇就加工部尙書兵部尙書未幾
又加右僕射左僕射不二年又加司空噫雖則委

珠道著益彰衣錦之榮然而治水功成未捧陶鈞
之命甘棠勿翦講樹空存哀哀生靈何嗟及矣夫
人錢塘范氏而出自令門婦於華族口口婉孌蕙
口蘭口口垂範於金閨驟霑榮於石窳口府君非
惟敦敬孝悌多奉以家規至於恤物愛民亦得於
內助口口口之口口口封錢塘郡夫人有子六人
長曰延晦太子司議次延美一子出身守閩縣尉
次延晃睦王府參軍次延口口口口口次延曦皆
秀掩嵇松茂踰緒柳儼然在疚柴毀踰禮吾知聚

星之德其未艾矣有女二人長適事于口判滎陽
公口口適于太子正字董承和卽淞東廉問口相
國之令子孫男二人長曰肇任長樂縣令賜緋魚
袋口口口令裔口口口口口口口試於鈇鋒展驥
終呈於逸步次日口檢校工部尙書守漳州刺史
兼御史大夫材質豐傑字量口口口分茅土之望
又可以見敬仲之後不乏其人焉口府君以景福
二年八月十四日厝於閩縣敦業鄉太平里口口
山之陽口口余復掇其尸之哀歌而爲銘曰

大滂仁化蘇凋俗生植霑如膏雨沃方喜九年重
載天豈知一旦口口口閩山上閩山足佳城鬱鬱

松阡綠逝者徒云可口歸百號口慟知口口

(林侗陳府君墓誌跋)朱子綱目唐僖宗中和四年甲辰十二月以陳巖為福建觀察使昭宗景福元年壬子正月福建觀

察使陳巖卒按銘文癸丑八月厝于閩縣敦業鄉宋太平興國六年割敦業等鄉置懷安縣明萬歷八年裁歸候官今候

邑三十四都崇業鄉是也 康熙四十三年甲申銘出於北郊長河池北鄉農黃福屋後以石售余家始知公墓所在諸

生陳祈廣等呈大府請加封表候邑某令以疑案寢唯公有大功德於閩傳稱王湖素服臨葬壙內王侯制度則壙外坊

表神道宏麗可知毀自何代其在南唐李景取福州時乎里中賢士李君範暨諸紳彥捐貲修葺歸銘於壙歸然新宮時

康熙六十年辛丑八月十四日癸酉距景福二年癸丑凡八百九十年而年月日適符有定數焉 誌云厝於閩縣敦業

西湖志

卷十八

碑碣

十四

鄉太平里宋太平興國間析置懷安縣前明萬歷併入侯官今北郊三十八都是也村民黃福於屋後浚溝得之遂加發

掘見壙中石室規制宏壯乙酉春仲諸生陳祈廣等相率上其事於大府牒下有司乃有豪強奄有其地欲毀古塚而作

新墳甚至指銘文厝字為非葬終則撫建寧縣以為疑案以古憲之豐功偉烈一坏莫保吁可勝歎哉

鄭杰陳府君墓誌跋)右唐觀察使陳公墓志銘一通計千四百字石約高三尺二寸寬二尺字徑圍五分額首橫篆穎川

郡陳府君墓誌八字多漫漶庚子秋余刻石塔記成因搜求此

銘舊拓歷今十餘載卒乃得之統計缺字百四十餘其第二行安定胡三字下摩滅不可讀依林同人來齋金石攷補之

誌中凡民字皆缺畫避唐太宗諱也末二十三行太平里口

又引十國紀年王延翰葬閩縣太平山疑太平里下缺二字

疑即通鑑所稱觀察使鄭鑑者是也一適董疑即通鑑所稱威勝節度使董昌與觀察昏姻者是也並無子壻為范姓者

可証通鑑諸書稱范暉爲公妻弟者是而舊五代史諸書附
爲公子壻者之非也又觀察公之薨也通鑑從十國紀年附
大順二年末而考異據昭宗實錄載於大順三年正月二十九日可
約奏到日書之也銘載公薨於大順二年末或亦出於傳聞而
証實錄書爲三月乃奏到之日如春秋於前年事因赴告而
書在次年春之例通鑑載爲大順二年末或亦出於傳聞而
未得其實也公之薨年月及其世系眷屬皆得其真焉夫閩
嗚呼一銘也公之薨年月及其世系眷屬皆得其真焉夫閩
當黃巢之亂草竊蜂起而公區區督數千疲敝之衆禦災捍
患以威名懾強暴保障一方無敢犯者是閩之存公存之也
及其殃也表王氏以自代委托得人其遺愛之在閩人宜
百世祝之矣然則得銘公之文雖其漫漶不完而參考史氏
之遺以訂其訛而補其缺蓋公德之一助哉存公之銘所以存
能自已者豈徒以資考金石者之助哉存公之銘所以存
公也至於公之子若弟皆著顯靈於宋代因存公而併存之
則亦甘棠勿剪之意也夫

陳壽祺陳府君墓志跋誌稱夫人錢塘范氏有女二人一適
鄭一適董足證新唐書薛史閩書閩中錄以范暉爲巖壻之

西湖志

卷十八

碑碣

十五

誤林仁志王氏啓運載監軍程克諭表云暉爲巖妻弟十國
春秋據此惜未見此誌也又誌稱厝於閩縣敦業鄉太平里
明一統志八閩通志閩書皆云在建寧足正其謬子六人一
延口守閩縣尉孫男三人長肇任長樂令次守漳州刺史皆
舊志職官所不載惜泐其名黃璞大順二年進士官崇文館
校書郎致仕碑立於景福不書官稱前進士者從始階也亦

漢碑之例
林春溥陳府君墓志跋道光四年郡人捐修故唐福建觀察

使陳巖墓於外曠得墓誌乃前鄉貢進士黃璞撰石質頑脆
文多漫漶前云府君以大順三年正月二十九日薨變後云

府君以景福二年六月十四日厝於閩縣敦業鄉按通鑑唐
昭宗大順二年書福建觀察使陳巖疾病遣使以書召泉州

刺史王大順無授以軍政未至而巖卒其明年正月丙寅改元
景福是潮欲授三年考異曰蔣文懌閩中實錄云大順中巖

薨十國中紀年在大順二年昭宗實錄在明年三月恐約奏到
今從閩中錄及十國紀年而朱子綱目於昭宗景福元年壬

子書正月福建觀察使巖卒以誌證之較爲得實惟其年改
元不在歲首故致誤耳

李枝青陳府君墓誌跋陳巖墓在福州北門外舊失其處嘉慶末人家豕牢掘得此碑因購其地而復之以碑還納壙中碑稱府君以大順三年正月二十九日薨變按唐書大順紀元止二年壬子即改元景福昭宗紀書巖卒于景福元年三月五代史閩世家亦考景福改元在壬子正月即卒于是月時閩中尙未奉到詔書猶稱大順碑雖後撰從其朔也年從史月從碑爲是通鑑綱目于昭宗大順二年五月十二月書陳巖卒誤也巖初爲福建團練副使中和四年五月逐福建觀察使鄭鑑自稱觀察使光啓四年巖卒其壻護閩都將范暉自稱留後是年三月潮寇福州二年五月潮陷福州暉死之先是童謠曰巖高潮水沒潮退矢口出其後潮果代巖而審知卒襲其地碑稱鑑及滎陽即鄭鑑也又考綱目黃巢轉掠福建建州人陳巖聚衆數千保鄉里號九龍軍觀察使鄭鑑表以自代按碑止言鑑夙慕英風請爲都團練副使下即繼之曰滎陽公告疾北歸公即云云足見巖後之爲觀察使實非請自鄭鑑雖諱言逐鑑自立而事已瞭然綱目誤以團練副使爲觀察使耳碑與唐書合黃璞鄉人宜得其詳也

西湖志

卷十八

碑碣

十六

宋左朝議大夫李公埋銘

在太平山正書

宋故左朝議大夫李公埋銘

先考諱撰字德修

世出隴西始祖本唐徙居閩粵其後居於福州懷

安縣三舉進士崇寧五年科第官累遷至左朝議

大夫春秋七十有七於紹興十七年三月十五日

得疾終於正寢娶宜人林氏男四人曰鑄曰濤曰

壻曰疇皆補將仕郎仍女四人鑄卜紹興戊辰十

二月十六日庚午葬於太平山之原鑄泣血書記

歲月藏於幽壤

按郡志撰字德修閩縣人據此當作懷安人李鑄名不他見

宋知肇慶府陸侃墓志

在懷安縣太平山石高一尺八寸廣一尺三寸十四行行二十五字

額題宋知肇慶府陸公墓八字俱正書

宋知府朝請陸公墓志

公諱侃字和之其先自

光州固始入閩今爲候官人曾祖衍任朝請郎累贈金紫光祿大夫祖守任尙書郎累贈大中大夫父口太府寺丞累贈正奉大夫妣黃氏宣奉大夫積之孫女公以父生前致仕恩澤補將仕郎銓中調政和尉丁父憂不及赴服闋調建寧尉獲強盜

賞改承務郎知臨川縣爲政豈弟吏民安之諸司以最聞次調江南西路憲司幹官本司以審訟公平薦之次監鄂州戶部糧料院次通判漳州及滿丐祠爲三徑計當路知公長於撫字勉其赴闕除知肇慶府開禧丙寅之官以疾卒於五羊享年七十有七積官至朝請郎先娶潘氏知府朝英之女次娶林氏秘書丞之奇之女次娶莆田李氏知府之孫皆封安人並先公卒男二人長坡後公一年亡次域以公致仕恩澤補將仕郎嘉定壬申六月

甲申葬公於懷安縣太平山之原與安人同穴焉
姪從事郎口州安福縣主管勸農營田公事坦謹

誌 上官振刻

郭柏蒼陸侃墓志跋楊孝廉浚近得宋陸侃墓志真書似褚河南歐陽率更婉秀可珍侃爲宋儒林之奇壻之奇諡文昭

學者稱爲拙齋先生者也楊浚陸侃墓志跋此石同治間出土林穎叔欲購嵌書院余

審物主人爲船廠書胥屬沈幼丹先生求之以取值昂遂止先生語余曰非子好尙易得也前跋乃癸酉年事戊寅六

月復晤船胥語及前石曰尙存無過問者願賤值棄之余告之當道竟獲之以嵌熬峯院壁亦老來一快意事也

唐福建觀察使陳公山亭碑記

舊在太平里文見園亭

唐福建觀察使檢校司徒陳公山亭記 陳治滋

西湖志

卷十八

碑碣

十八

撰 林在莪書並篆額 雍正六年三月立石

義井石刻二字

在義井

清林佶自書墓碣

在馬園山共八字清康熙間立石見乾隆福州府志

鹿眠庵 鹿原居士書

按碣已久佚今墓前之石乃嘉慶間佶後人所重立也

藤澗題崖

在馬園山清康熙間郡人林佶書

臥龍山摩崖三大字

在臥龍山品石巖正書字逕一尺六寸

箋經臺摩崖三大字

在臥龍山正書字逕二尺三寸

翠楚摩崖二大字

在臥龍山

道光福建通志元泰定間錢光弼建亭刻翠楚二字於石

程師孟等題名

在臥龍山品石巖正書七行行十五字字逕六寸

光祿卿直昭文館知軍州程師孟公闢同刑部郎中充秘閣校理陳襄述古提點刑獄都官郎中沈紳公儀轉運判官屯田郎中湛俞仲謨新湖北轉運判官都官員外郎劉彝執中同提點刑獄內殿承制杜該伯通通判軍州鄉官員外郎馬益損之游熙寧元年冬題

孫莘老題名

在臥龍山品石巖正書十一字字逕一尺二寸

西湖志

卷十八

碑碣

十九

庚申孟春口莘老德孺嘗游

按莘老孫覺字覺宋元豐元年以右司諫直集賢院知福州庚申元豐三年也

陳紘等題名

在臥龍山品石巖正書四行行六字字逕七寸

河南陳紘公度開封李茂直景弼壬戌仲秋壬申游安國院箋經臺

按壬戌宋元豐五年

陳襄品石巖題名

在臥龍山字逕五寸

宣和四年題名

在臥龍山箋經臺正書五行行九字字逕六寸

提點刑獄公事口口口直邀廉訪使口口口口達

夫挈家同口口口口沙晚饘安國院口暮口宣和
四年三月十六日

陳休齋題名 在臥龍山箋經臺正書五
字字逕七寸宋淳熙三年

陳休齋曾來

陳孔碩等箋經臺題名 在臥龍山宋嘉定十
六年見閩中金石畧

王開卿等箋經臺題名 在臥龍山正書共二十八字
宋寶慶三年見閩中金石錄

王開卿趙履節徐清伯約陳膚仲會於臥龍山時

寶慶丁亥季春甲戌日

錢光弼題名 在臥龍山元泰定二年正書摩崖
共五十四字分五行書字逕五寸

西湖志

卷十八

碑碣

二十一

彭城錢光弼任福建都轉運使之明年漕暇游安
國得愛亭故址萬楚舞翠品石獻奇因茲新構易
名翠楚時泰定二年七月望日男守護侍

安國寺佛龕題記 舊在寺內見冠
悔堂金石錄

梁宗一大師塔誌 在立沙山石高二尺二寸
正書十行行一十七字

故安國宗一大師塔誌 大師諱師備生緣福州

城南十里外江南溫泉鄉歸化里俗姓謝氏唐咸
通二年入芙蓉山出家得度受戒後住梅溪塲立
沙山經一十九載至光化元年蒙府主令公大王

請於城北住安國院兼發章表申奉蒙天恩賜號
宗一大師並頒紫衣冬夏參徒七百餘衆梁開平
二年冬忽示微疾至十一月二十七日五更時奄
然歸寂春秋七十四僧臘四十五 梁開平十二
月十一日靈龕窆於茲地故記

按誌不著撰書人姓名
舊在塔後今藏寺中

師備和尚塔碣

在立沙山石高一尺六寸廣一尺正書共八字

立沙第一代備之塔

按塔無立
石年代

西湖志

卷十八

碑碣

二十一

修塔記殘石

按師備塔後有修塔記殘石一段文曰修
立沙開山宗一備大師塔云云今不錄

飛山石刻二字

在立沙山見道
光福建通志

飛山 宋提刑劉嶠書

合文僧昭二禪師塔碣

在立沙山石高一尺四寸廣八寸共九字

宋合文僧昭二禪師塔

按合文僧昭
四字分行寫

元比邱塔碣

在立沙山石高一尺四寸廣八寸共三字大德元年造

水月普同塔碣

在立沙山正書四字
明萬歷四十二年造

比邱尼亮公塔碣在立沙山石高一尺四寸廣七寸正書三行中一行行七字旁小字兩行行各四字

明萬歷四十四年立石

比邱尼亮公淨域 萬歷丙辰歲仲冬立

水月庵普同塔銘在立沙山石高五尺六寸廣二尺一寸正書九行

普同塔銘 生同叢林寂同金臺維海會衆何去

何來立沙一脈插天崔嵬松蒼草碧不染塵埃塔

門長閉蓮花時開垂千萬年其光永培 林之蕃

題 康熙元年十二月立石

按石有庵僧興鐙等題名今不錄

西湖志 卷十八 碑碣 二十二

心一禪師塔銘在立沙山石高二尺二寸廣一尺四寸正書十七行行三十四字

心一禪師塔志銘 林之蕃撰 康熙十年十月

立石

隨宜和尚塔碣在立沙山石高四尺九寸廣二尺一寸清雍正十三年立石

立沙祖塔碣在立沙山石高一尺四寸廣七寸正書四字

按塔無立石年代

昇山寺石槽題字在寺中正書共十三字

宣和甲辰當寺僧師達等化緣造

宋程師孟飛昇臺題名在昇山

宋劉奕飛昇臺題名在昇山

按飛昇臺程師孟劉奕諸人石刻通志郡志均未載

沈紳等題名在鳳池山正書共四十四字見道光福建通志

提點刑獄沈紳招轉運使張徽知州事程師孟轉

運判官湛俞遊鳳池賢沙會於安國熙寧三年十

一月二十五日

按雍正福建通志提刑熙寧間有阮紳無沈紳以石刻證之蓋謝志誤也考道光福建通志職官作沈紳熙寧元年由司封郎中任提點刑獄乾隆福州府志望州亭古蹟亦作提刑沈紳又陳烈鼓山銘有熙寧四年丁竦沈紳陳烈同游石刻之其為沈紳益無可疑矣

西湖志

卷十八

碑碣

二十三

建炎二年進士題名在鳳池山翠微亭見淳熙三山志

按三山志建炎二年進士題名於魯侯堂後以其隘遂移於此

郡西北路

福州都督府儒學記舊在都督府唐大歷十年常州刺史獨孤及撰見乾隆福州府志文見古蹟

按唐都督府在今宣政街北

舊大都督府門記舊在府堂宋慶歷八年潮陽從事邱濬撰蔡襄書見淳熙三山志

得象亭記舊在州府宋政和元年黃裳撰見乾隆福州府志

重修設廳記舊在府堂宋宣和五年通判黃琚撰見乾隆福州府志

甘棠院記舊在安撫司署宋開寶間刺史錢昱撰見乾隆福州府志

按宋安撫司署
在今宣政街北

會稽亭詩刻

舊在安撫司署宋嘉祐間郡守
元絳立石見乾隆福州府志

按嘉祐間絳出守福州龐籍等五十三人賦
詩五十七章以寵其行絳刻其顯者置壁間

忠義堂東西壁繪像

舊在安撫司署宋嘉祐間郡守
元絳立石見乾隆福州府志

甌粵銘

舊在止戈堂下宋李綱撰見
乾隆福州府志文見古蹟

雙松亭石額

舊在日新堂左宋郡守
蔡襄書見閩中金石錄

淳熙三山志亭在秀野亭之東北蔡
公襄書隸書額後刻石立日新堂左

重修福州路記

舊在宣慰司署元貢師
泰撰見乾隆福州府志

按元宣慰司署
在今宣政街北

西湖志

卷十八

碑碣

二十四

光儀堂記

舊在府署明萬歷三十九年郡守喻
政撰見道光福建通志文見古蹟

按明府署在
今宣政街北

幸堂記

舊在提刑司署宋熙寧五年提刑宋
道撰見乾隆福州府志文見古蹟

按宋提刑司署
在今宣政街西

樂圃記

舊在提刑司署宋宣和二年提刑俞
向記見隆乾福州府志文見古蹟

脩提刑公宇東西兩廳記

舊在提刑司署宋淳熙間武提
刑葉南仲撰見乾隆福州府志

鍾山肅安王廟記

舊在城西鍾山寺後周廣順二
年林嗣宗撰見乾隆福州府志

鍾山萃靈石刻四大字

舊在鍾邱園正書明郡人
馬森書見冠悔堂金石錄

西門記

在西城門明提學副使宗臣撰
見乾隆福州府志文見古蹟

共學書院祀田碑記

在共學書院石高六尺三寸廣二尺六寸二十一行行五十一字正書文不錄

共學書院祀田記

陳子達撰

順治十八年三

月立石

懷安縣題名記

舊在懷安縣明林廷選撰見乾隆福州府志

按明懷安縣署舊在府治北子城坊內即今北門大模下地

懷安縣記

舊在縣署明郡人林瀚撰見乾隆福州府志

懷安縣天王堂記

舊在城北唐咸通六年立石何蟾撰見乾隆福州府志

修築城北及創天王樓記

舊在城北唐咸通中立石館驛巡官鄉貢進士盧標撰見乾隆

福州府志

西湖志

卷十八

碑碣

二十五

重修三山城櫓記

舊在城北明成化初莆田黃仲昭撰見乾隆福州府志文見古蹟

真定王碑

舊在城北乾元寺八分書宋咸平六年真宗御書見淳熙三山志

越山吉祥石刻四字

舊在越山宋乾道三年孝宗御書見淳熙三山志

吉祥院記

舊在越山宋時人撰見乾隆福州府志

環峯石刻二大字

在越山宋紹熙間光宗御書見乾隆福州府志

東瀆九侯廟碑

舊在越山宋知宗正事濮王仲湜撰見姚循義舊志

昭利王廟記

舊在越山宋知西外宗正嗣濮王仲湜撰見乾隆福州府志

越山報功祠記

在越山石高三尺六寸廣一尺七寸二十行五十字五十二字不等字徑五分正書額

五行行二字字徑一寸三分篆書文見祠廟

越山書院報功祠碑記 翰林院編修張煒撰

知當塗縣事林縉書 戶部主事陳世賢篆額

雍正十一年二月立石

越山書院記 在越山石高四尺廣二尺六寸二十六行行四十字四十二字不等字徑六分正書額四行行

二字字徑二寸五分篆書文見園亭

重修越山書院碑記 知福州府事保泰撰 陝

西道監察御史鄭元璧書 尚書銜前太常寺卿

廖鴻荃篆額 咸豐四年立石

重修賢良祠碑記 在越山石高五尺六寸廣一尺八行行五十五字至五十七字不等正書文不錄

西湖志 卷十八 碑碣 二十六

重修賢祠碑記 布政使慶端撰 知福州府事

婁浩書 咸豐五年四月立石

重修越山書院記 在越山石高二尺六寸廣一尺五寸十六行行三十字三十二字不等字徑五分正

書清光緒十七年立石文見園亭

重修越山書院記 布政使劉樹堂撰並書

鎮海樓記 在越山石高七尺廣一尺八寸九行行三十一字字徑一寸五分正書文見山水

光緒重建鎮海樓記 長樂謝章鋌撰 閩縣陳

寶琛書 光緒十九年立石

鎮海樓碑陰 正書七行第一行行十二字二行行八字三行行十一字四行行九字五行行二十七字六行

行十六字七行行
十五字字逕二寸

鎮海樓坐壬向丙兼亥巳二分 樓高六丈六尺
四寸 樓週寬一十三丈七尺六寸 樓週深七
丈四尺八寸 樓四圍甃牆各厚五尺六寸牆內
七間共寬九丈共深四丈一尺六寸 光緒壬辰
年孟冬開工癸巳年初秋落成 總用庫平番銀
一萬八千八百餘兩正

飲馬泉石刻三字

在越山書院見
榕城考古略

越山陳公祠石額

在越山石橫高一
尺四寸直廣五尺

西湖志

卷十八

碑碣

二十七

唐福建觀察使陳公祠

正書橫寫共九
字字逕四寸

毬塲山亭記

舊在治山唐觀察推官馮審撰分書無
姓名篆額元和八年立石見復齋碑錄

毬塲山亭石刻二十詠

舊在治山唐元和八年刺史
裴次元作見諸道石刻錄

毬塲山亭詩刻

舊在治山唐大中十年觀察使楊發得元和
八年舊本鐫石宋熙寧二年出土見冠悔堂

金石錄

(淳熙三山志)唐元和八年刺史裴次元於治山南闢為毬塲
卽山為亭題詩於壁至大中十年亭壁之詩已無存者刺史
楊發訪於邑宰得其本為鑿諸碑陰而識之其後碑石埋湮
本朝熙甯二年夏新子城役人哀土於宣毅營北將軍山下
得之乃輦而置於郡中曰新堂
之西廡有程大卿師孟題記

治山古蹟四大字石刻

在治山嘉慶初
郡守何茹連書

按湖上碑碣每多散佚凡現存者依洪氏隸釋例悉據原文錄載文已載別門者俱一一註明或文不足錄者止載時代歲月石已遺泐者依王文尚散見舊籍者則用小字錄載其有跋尾者依王氏金石萃編例附錄于末

鐘鼎雜器

附

開化寺鐵鐘 清乾隆十五年造

長慶寺鐵鐘 宋開禧三年造

長慶寺銅鐘 元延祐四年造

長慶寺銅磬 清康熙元年監院函濟造

長慶寺鐵磬 清康熙四十五年監院古御造

長慶寺鐵鍋 清嘉慶十一年住持繼雲造

西湖志

卷十八

碑碣

二十八

地藏寺鐵鐘 清乾隆五十四年七月造

玄沙寺鐵鐘 明崇禎六年林弘衍造

飛山寺廢鐘 程咬金監造見竹間十日話

昇山寺鐵鐘 清光緒七年造

瓷瓶 閩書後唐光啓丁未歲衢州爛柯山道士徐景立取土怡山王仙君壇東北隅得瓷瓶七口各可容水一升中悉有

炭上總蓋一青甌云

青甌 閩書瓷瓶七口上總蓋一青甌識文云樹枯不用伐壇壤不須結未滿一千歲自有系孫列後來是三皇潮水蕩禍

殃巖逢一乍間未免有銷亡子孫依吾道代代封閩疆黃滔作丈六金身碑頌王審知仗鉞之雄實應蓋甌之識云

瓦棺

竹間十日話馬鞍山劉蒙伯墓捲壙中有瓦棺兩片旁作古錢格以通氣

朱匣竹窻筆記清泉山宋林拙齋墓四圍皆石僅容木匣數尺蓋火葬也國初陳氏子孫購其地葬親舉出乃朱匣也

西湖志

卷十八

碑碣

二十九